

Sarkina Bt Mat Saad @ Shaari

From: Unit Komunikasi Korporat
Sent: Tuesday, September 5, 2017 4:49 PM
To: UUM - All Staff; UUM - All Students
Cc: Staf - Pesara UUM
Subject: Ibadah Korban Tanda Cinta - UUM Tumbangkan 14 Lembu, 7 Kambing



Unit Komunikasi Korporat
CORPORATE COMMUNICATION UNIT
Universiti Utara Malaysia



5 SEPTEMBER 2017 / 14 ZULHIJAH 1438H
=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Siti Fatimah Abdullah
Gambar oleh: Abdul Halim Husain

IBADAH KORBAN TANDA CINTA - UUM TUMBANGKAN 14 LEMBU, 7 KAMBING



UUM ONLINE: Di saat berderai air mata suci Nabi Ibrahim a.s. melihat keteguhan iman puteranya, Nabi Ismail a.s. yang sanggup disembelih atas perintah Allah ketika itulah bermulanya sejarah agung erti pengorbanan membuktikan ibadah korban tanda cinta kepada Allah.

Sempena Aidiladha yang penuh barakah, sebanyak 14 ekor lembu dan 7 ekor kambing ditumbangkan sempena Hari Raya Aidiladha pada Majlis Ibadah Qurban dan Aqiqah 1438H di Masjid Sultan Badlishah, UUM pada hari raya keempat, semalam.

Menurut Pengarah Pusat Islam, Prof. Madya Dr. Ismail Ishak, proses penyembelihan bermula seawal jam 8 pagi secara gotong-royong, melibatkan warga kampus dan masyarakat luar yang berdekatan.

Jelasnya, proses penyembelihan, melapah dan pengagihan daging korban selesai sebelum solat Zohor.

Para petugas, peserta dan tetamu yang hadir dihidangkan dengan jamuan yang ditempah khas oleh Pusat Islam dan juga yang disediakan secara gotong royong.

“Sambutan sangat meriah dan diluar jangkaan kerana hari tersebut merupakan cuti umum seluruh Malaysia, kehadiran staf, pelajar antarabangsa dan masyarakat mencerminkan komitmen dan sokongan yang jitu.

“Itulah tuntutan kepada pengertian pengorbanan sebenarnya, untuk melahirkan insan-insan yang ikhlas, sabar dan bersyukur sehingga membuahkan ketaatan pada Allah dan kecintaan pada-Nya lebih daripada diri sendiri.

“Kita mengharapkan semua warga kampus dapat terus-menerus menghidupkan semangat pengorbanan ini dalam menjayakan misi dan visi UUM seperti mana yang telah ditetapkan.

“Sesungguhnya kita boleh mencapai maksud dan matlamat kita dengan syarat setiap individu ikhlas mencurahkan keringat untuk mendapat hasil yang menakjubkan,” luahnya.

Hadir sama, Timbalan Naib Canselor (Hal Ehwal Pelajar & Alumni), Prof Dr Abdul Malek Abdul Karim yang turut meluangkan masa beramah mesra dengan warga kampus terutamanya pelajar antarabangsa yang tidak pulang beraya di negara masing-masing.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.